

Fondacija Centar za javno pravo u saradnji sa Ministarstvom pravde i uprave Kantona Sarajevo organizira stručno savjetovanje

**«Upravljanje javnim preduzećima i ustanovama»
u utorak 28. maja 2019. u multimedijalnoj sali zgrade Vlade Kantona
Sarajevo**

Organiziranje ovog skupa motivirano je formiranjem koalicione većine u Kantonu Sarajevo koja je najavila i pokrenula imenovanje novih rukovodstava i novih upravnih struktura javnih preduzeća i ustanova. S obzirom da će novoimenovano rukovodstvo raditi u istom zakonskom okviru kao i smijenjene upravljačke strukture postavilo se pitanje grešaka u dosadašnjem upravljanju javnim preduzećima i ustanovama i kako postaviti nove smjernice za rad upravljačkih struktura da bi se poslovanje javnih preduzeća približilo međunarodnim standardima. Na skupu će se predstaviti ključne karakteristike ranije prakse upravljanja javnim preduzećima i ustanovama i pokrenuće se dijalog o mogućim i očekivanim promjenama u praksi. Cilj skupa je utvrđivanje pravila i kriterija prema kojima se novoimenovane upravljačke strukture moraju orijentirati kako bi poslovanje javnih preduzeća učinilo odgovornim i efikasnim.

Osim analize karakterističnih rezultata dosadašnjeg modela upravljanja javnim preduzećima, ustanovama, fondovima i agencijama u Kantonu Sarajevo predstaviće se i preporuke Strategije borbe protiv korupcije sa Akcionim planom, iznijeeće se zapažanja o nedostacima u finansijskom poslovanju javnih preduzeća, prikazaće se ključne preporuke javne finansijske revizije i revizije učinka javnih preduzeća i ustanova i prezentiraće se mogućnosti i modeli odgovornog upravljanja javnim preduzećima i ustanovama. Uvodničari su: *Selma Učanbarlić* (Centar za istraživačko novinarstvo/CIN), ona će predstaviti rezultate CIN-istraživanja zloupotreba u javnim preduzećima, zatim *Erduan Kafedžić* (šef kantonalnog ureda za borbu protiv korupcije i upravljanje kvalitetom) koji će predstaviti konkretne antikoruptivne aktivnosti, *Samir Mušović* (samostalni istraživač za područje javne finansijske revizije) će govoriti o nalazima i preporukama finansijskih revizija, dr. *Dragan Slipac* (zamjenik direktora Agencije za prevenciju korupcije i koordinaciju borbe protiv korupcije/APIK) će problematizirati poziciju javnih preduzeća s obzirom na socijalni integritet i prof. dr. *Vjekoslav Domljan* će predstaviti problem mjerenja efikasnosti rada javnih preduzeća. U raspravi će Kantonalni upravni inspektorat Kantona Sarajevo iznijeti vlastite nalaze o nedostacima finansijskog poslovanja u javnim ustanovama.

Očekujemo sadržajnu raspravu i jasne smjernice za modernizaciju rada javnih preduzeća, ustanova i fondova.